



Hmasawanna Thar

(A N I N D E P E N D E N T D A I L Y N E W S P A P E R)

Regd. No. RNI - 40917/89 | Postal Regd. No. MNP - 67

Contact Numbers pawimaw :
DC/CCPur : 03874-234234
SP/CCPur : 03874-236747
Police Station : 03874-202248
SP Control Room: 03874-233239
Dist. Hospital Casualty : 03874-233370
Fire Brigade : 8974 147 799/
8258 057 887 / 8974 103 600

Hmasawanna Thar Vol - 32/130

Churachandpur

email : hmasawnnatharnews@yahoo.com

Phone: +91-3874-236846

Rs 6/- per copy

HKI hmalaknain Tipaimukh A/C a candidate hai common platform siem pek



CCPUR: Hmarrram Kohran Inzawmkhawm (HKI) chun, programme siema lo um ta angin Pathien hratna ringsanin Feb. 20, 2017 khan khuo tin palai haileh Pargbung hmunah Pathien thu taka rawngbawlna an nei tan. Zanikhan Business Session nei a ni a, ruotlawka lo um ta angin Tipaimukh Constituency a MLA candidates hai ta dingin zani zang khan thu hrii theina ding Common Platform siempek an nih. Zani zana Pargbung

khuoa hun hmangnaa hin Tipaimukh A/C-a MLA candidate Dr Chaltonien Amo (INC), Pu Ngursanglur Sanate (NPP), Pu Ngursanglurivung (IND) le Pu (Dr) Lalukhum Fimate (BJP) hai an thang a. Programme hi Feb. 22, 2017 a hmang dinga ti a ni a, sienkhawm palaihai didan angin programme theng thutin zani zana hun hi hmang a ni lein Independent candidate Pi Thang-thatleng ruok a thang hman tanaw niin ei thu dawngna chun a hrii a, a hun thleng thut a ni leia

Candidate hai an thangkim theinaw chu HKI in paw i ti a, sienkhawm palai tamlem hai tha tina anga hun hi hmang ta tho a nih. Zanita Candidates 4 hi inkhawmna thang hai chu minutes 20 seng thuhriina hun pek an ni a, mipui fekhawm an thahnem hle. Communication thilang harsatna a um lein chanchin kimchang hriet thei ei la nei naw a, zinga tieng hung insuo tum ning a ti. (input from Lalnunthang Songate)

Economic Blockade hlip a hung ni theina dingin UNC le Tripartite Talks nei State sawrkar an peizing: CM

IMPHAL: Economic Blockade hlip a hung ni theina dingin United Naga Council (UNC) leh Tripartite talks nei dingin State sawrkar an pei zing tiin Manipur Chief Minister O.Ibobi Singh chun zanikhan a hrii. UNC le BJP chun inhrietthiemna an nei zing tiin CM chun an tum bakah BJP chu March thlaa Assembly Election hung um dingang hin an "Game Plan" a hlawsam ding a nih tiin a hrii. Iengleia District thar siem hmaa UNC le hriitlangna a um hmasa naw am a nia? tia indawna siema um chu hiengang



hin a dawn: Hriitlangpui tum a ni a, sienkhawm an ngaisak nawh. Inbiek-pui dinga fiel an ni a, sienkhawm an dawnkirna hmu a ni nawh. Union Home Minister in Central Forces pek an ni a, sienkhawm Congress sawrkarin a hmang nawh tia a hriina thua chun, Economic Blockade thawna biela in fe chun NSCN(IM) in an int

hi le vau leia nuhmei ruol highway-a inthung hmung in tih. Economic Blockade hlipna dingin wavi le chang kan kap thei a ni nawh. Centre in hma a lak a tul a nih. Centre chun chuongang ngirhmun chu siem a nuom a nih. Thil indiknaw iemani hung umin, mi thenkhat thi hai sienla, Central le BJP chun law & Order a enkaio zo nawh tiin min tum nawk an ta. Hiengang ngirhmun hunglung ding hi hmang tangkai a tum a nih tiin CM chun a hrii. Tulai hnai el khan Union Human Resource Development Minister Prakash Javadekar chun,

Chief Minister inban sienla, chu zova President Rule puong ni sienla chu ni 2 sungin Economic Blockade hlip hung ni el a tih tiin a hrii a. Hi thil hin UNC le BJP an thangruol ti a suklang tiin CM chun a hrii. Congress chu hung inlal nawk an tih. BJP chun Congress MLA-hai lak pek a, Manipur sawrkar vavrtluk a tum a, hlawtlung naw nihai. Uttarakhand-ah iem a tlung a, an hlawsam a nih tiin CM chun a hrii. MPCC President T.N. Haokip chun, BJP in an MLA 20 lak pek an tum a, sienkhawm 5/6 chau an lak pek thei a nih tiin a hrii bawk.

Hmun hran hranah Zomi Namni 2017 hmang

CCPUR: Feb. 20, 2017 khan India le khawvel rambung tum tum haia chun Zomi Namni 2017 hmang a nih. Zomi Youth Association (ZYA) Leijangphai Block huoihawtnain Leijangphai public Ground-ah Zomi Namni hmang huna chun Namni Pa in Thanglianpau, President, ZRO a thang a, B. Dongzalian Simte, Chairman, Zomi Council khuoollenin a thang. Muollum Public Ground hmuna ZYA Muollum Unit hmalaknaa Zomi Namni hmangnaa chun Chief Guest in



Chinlunthang, President, UZO GHQ khuoollenin a thang a, Guest of honour in Grace Zamnu, MDC Muollum, functional

Dy. CM Gaikhangam lambun a nih

IMPHAL: Zani zing dar 8:30 vel khan Noney District a Thingkhongjang Village-ah helpawl han Dy. CM Gaikhangam le a vengtuhaio lo lambun a, sienkhawm himin an suok a, him takin an fe tumna an thung tiin ei thu dawngna chun a hrii. Gaikhangam hi Gaidimjang Khopum-a in hmuna a election Office hawng tum le an party flag keiphar tuma inzin a nih. Zani ma 12:30PM vel khan helpawl han Nungkaolong, Khoupum Part-3 ah Security personnel hai an lo lambun nawk a, IRB Rifleman Yumnam Jenish of Thangmeiband Sinam Leikai chu a malpui changtieng kap hliem a ni lein RIMS panpui a nih. Police le IRB hai hi Additional SP, Dr Ibomcha Singh in an rawi tawl



an ni a, Dy. CM an zin ding leia advance security team a fe an nih. A lo lambuntuhaio hi an kap let ve lein an tlansie niin Police chun an hrii.

CHANCHIN LAKTAWI Seminar le interaction

CCPUR: 25-Assam Rifles chun zani 11:00AM khan Rayburn College Auditorium, New Lamka hmunah "Empowering Youth of Churachandpur" ti thupui hmangin Seminar-cum-Interaction hun an buotsai. Hi huna hin Rayburn College a student NCC cadet bakah inihikna nei tam tak an thang a, Major Radha Krishan le Major Pankaj Giri han training an pek. Army a lut thei dan, army hnuoia hamthatna tum tum um hai le army a lut nuom hai ta dinga hriet ding pawimaw dang dang hai hriihrietna an nei bawh. Assam Rifles chun hiengang training hi hmung dang dang khawm an lo huoihawt ta a, hmatiang khawm la buotsai pei an tum thu an hrii.

HPC(D) in ditsak bik nei naw nih
CCPUR: Hmar mipui hmakhuo thlir a, hmasawna le um lem beiseinain Tipaimukh A/C a MLA election hung um dinga hin candidate ditsak bik nei naw nih. Mipuiin an ditzawng an thlang theina ding le an zalenna indik taka an hmang theina dingin thangpuuin ken pe a thul angin kalchawi a tih. Candidate-hai laia tan le dit bik nei leia mipui chung a harsatna intluntu an lo um chun an chung a harsatna intluntu anga ngainin bawzui pei bawh a tih tiin J.C. Hmar, Hmar Peoples' Convention (D) General Headquarters, Sinlung chun Feb. 10, 2017 khan thusuok a siem. Chun, MLA inthlangna hung um dinga hin pawl le mimal ang khawma midang zalenna sukbuoi zawnga hma la lo dingin mitin an inhriettir bawk.

Rs. 20 lakh pek dingin an va thlem

IMPHAL: July 23, 2009 a Khwainamband Bazar a kaphluma um Chungkham Sanjit pa Chungkham Kholen chun, a naupa thi zo hlim lai khan hi thina case hi fepei pei lova suktaawp a ni chun Rs. 20 lakh pek dingin Kenedy an ti

chun a va thlem niin zanita a chengna In, Khurai Sajon Leikaia reporter hai an hmuipui huna a hrii. Kenedy hi Khuwai A/C MLA Dr. Ng. Bijoy worker niin a hrii a. Buoi-na lien len a suok an lau leia hi thu hi a hrii lang

THANGKO
CCPUR: Feb. 21, 2017, 6:30PM khan Upa F. Ropianga (94) of Muolvaipei chu Stroke lein a thi a. A ruong wawisun Feb. 22, 2017 hin Muolvaipei thlanmuolah vuillem ning a tih. F. Ropianga hi Manipur Mizo hai laia Literature tiengpanga mi pawimaw le tangkai takel a nih.

Training sunzawm pei

CCPUR: 11th Manipur Legislative Assembly Election, 2017 hung um ding le inzawma February 9, 2017 a inthawk Polling personnel hai ta dinga training nei tana lo um ta chu a fe pei a, zanikhan CCPur Govt. College-ah training sunzawm nawk a nih. Training hi Feb. 16, 2017 chena zofel dinga ti a ni a, sienkhawm Randomization thuah Software tiengpang

TCP in Traffic Drive an thaw

CCPUR: Traffic Control Police (TCP), CCPur chun VDF le Police hai leh thangruolin zanikhan Lailam leilak, Tiddim Road-ah Helmet Drive an thaw a. Two-wheeler khal Helmet khumlo iemanizat zet manin fine an inchawitir. Order um tasa bawzui-naa Helmet drive hi an thaw a ni a, Motor Vehicle Act dungzuiin Helmet khum lo two-wheeler a

Truck zatel in Jiribam an pan

IMPHAL: Manipur mipuihai mamaw chitum tum phur dingin zanikhan security escort khaui tak hnuoia Trucks zatel hai chun Imphal suoksanin Jiribam an pan. Hieng lai zing hin security escort ngahkin thil chitum tum phur Trucks 800 chuong Jiribam-ah an intang mek niin ei thu dawngna chun a hrii.

Black Money Rs. 12 crore man tah

IMPHAL: 11th Manipur Legislative Assembly Election, 2017 ding le inzawma election code of conduct puong a nia inthawka tuchen hin Manipur State sunnga hmun hran hran haiah Investigation Wing, Income Tax Department, North East Region in dappui an thawnaah black money Rs. 12 crore an

V. Hangkhanlian in Flag hoisting le Public campaign a huoihawt

CCPUR: Manipur MLA election hung um dinga 58-CCPur A/C a BJP candidate V. Hangkhanlian chun Feb. 20, 2017, 11AM khan Zehang Lamka Public Ground hmunah Flag hoisting le Public Campaign tanna programme a buotsai. Hi huna hin Th. Chaoba, Convener, State Election Management Committee chun party flag keipharna a nei a, K. Vungzalian, President, BJP CCPur a inthawk thuhiril ngaitlak le V. Hangkhanlian in a thil tum hai puonglangna a nei. V. Hangkhanlian chun, Manipur-a district lien tak Churachandpur-a ei powder chu 'pilvut' a ni ta a

nih tiin a hrii a, ei ram humhimna dinga hringna inhan pasaltha 9 hai inzana lientak leh sawrkar inthaw iemani bek dawnga an ruong vuillem a ni theina ding chun a lungrih hmun lien tak a hlou thu; a tling le tlingnaw khawmin movement thuah Central sawrkar dawrin a theitawpa hma a lak ding thu a puong



a, democracy fed an indik tak zui a, tharum insuo loma mitinin vote zalen taka an thlak theina dinga supporters hai khawmin fepei dingin a ngen. Th. Chaoba chun, Imphal-a In tha tak tak bawl a cheng dinghai thlangling hun a ninaw thu, mipui ta dinga sin thaw thei ding thlang hun a nih tiin a hrii a. March 4 a election huna chu thienghlim taka inthlang dingin mipui hai a ngen. CCPur hi hmun thawweng le inhaw takel a ni a, BJP in sawrkarna an hung siem thei chun Tourism tiengpang nasa taka hmalak le keulut a tum ding thu, chu fethlengin mipui-

ECI full team Manipur-ah; Party tum tum hai an inhmupui

IMPHAL: Chief Election Commissioner (CEC) Mr Nasim Zaidi inrawinain Election Commission of India full team- A.K. Joti, Election Commissioner le Om Prakash Rawat, Election commissioner hai chu ni 2 sung cham dingin zanikhan Manipur-ah an hung inzin a. zanikhan Political party tum tuma representatives hai an inhmupui bakah CEO, Police Nodal Officer le Income Tax, Excise, Narcotics etc haia Nodal Officers hai an inhmupui. Manipur-a sawrkarna siem mektu Congress party chun, Naga area haia tina um loma mipui han zalen

taka vote an thlak theina dingin Naga areas haiah venghimtu security tamlem pe dingin an ngen. Opposition BJP chun election insingsatna fe mek chu tha tawh an ti a, Election Commission chu fel le thienghlim taka election nei a ni theina dinga hma la dingin an ngen. Programme induonga um dungzuiin EC Full team chun Feb. 22, 2017 hin DCs, SP, Range DIGs, IGs hai bakah Chief Secretary, DGP, Home Secretary le Principal Secretary hai khawm inhmupui an ta, chu zova press briefing an nei dinga ti a nih.

Seats 60 inchu dingin candidate 266

IMPHAL: 11th Manipur Legislative Assembly election, 2017 hung um dinga candidates umzat hriet fel a ni ta a, seats 60 inchu dingin candidates 266 an um.

March 4, 2017 a 1st phase election a seats 38 inchu dingin candidates 168 le, March 8, 2017 a 2nd phase election a seat 22 inchu dingin candidates 98 an um.

Karam Shyam in ECI ah sawiselna a siem

IMPHAL: Zani hmasa zan dar 9:00 PM vel khan Langthabal A/C sunga Chajing Awang Leikai Yumnam Mamang an ti hmuna BJP candidate O. Joy workers le security guards han congress candidate Karam Shyam, MLA In inlawi ding chu an lo dang bakah an lo dap nia intum an nih. Karam Shyam Guards han buoia thununna dingin blank fire rounds iemanizat an kap. O Joy workers le a vengtuhaio chu



humbi pek chena Singjamei Police Station le Election Commission of India (ECI) kuomah hriiflenna siem dingin sawiselna Karam Shyam chun a peklut.

Congress party Manifesto tlangzar

IMPHAL: Feb. 20, 2017 khan Congress party election manifesto points 19 inziekha chu C.P. Joshi, General Secretary, AICC le party in-charge, North East chun Imphal hmuna a tlangzar. An manifesto a hin Congress an sawrkar nawk chun kum 2022 chenhaw tawti tui In tinah pek ding, Law & Order siem that ding, AFSPA hlip dinga hmalak ding, Manipur ram humhim ding, PPP model le Skill Develop-

ment hmangin thalai nuoi 3 sin pek ding, Imphal khawpui India rama khawpui fai taka siem ding, Imphal khawpui sungah internet a thawna pek ding, kum 2022 chenhaw motor lamlien hai siem that ding, kum 2022 chenhaw Moreh Rel lampui inlungtir ding tihai a thangsa. Kum 2012 Assembly Election huna Congress party thutiem hai chu sukpuiting vavng a ni tah tiin CM O.Ibobi Singh in thu a hrii huna a hrii.

GAS NEWS
Agency : KIM JOE
Booking : 10th Nov., 2016 to 12th Dec., 2016
Delivery : 22-02-2017 (WED)
Time : 9-12
STOCK :
Agency : SAS
Booking : 1st Nov, 2016 to 1st Dec., 2016
Delivery : 22-02-2017 (WED)
Time : 8AM- till stock
STOCK : 306
Rate : Rs. 809/-

VAWISUN THUPUI

Chun, Krista Isu mihai chun tisa chu a suol ngaituona leh an chaknahai pumin an hemde tah. Thlarauva hring ei ni chun, Thlarauva vek um nawk ei tiu. Incho tuoin, in ithik tuoin inngaihlu naw mei niu.
- Galati 5:24-26

Editorial

Election Manifesto ngaipawimaw ding

Manipur Legislative Assembly election, 2017 khatna chu March 4, 2017 a nei ding a ni a. Party le candidate-hai ta dinga vote campaign theina hun chu ni 10 vel chau a um tah. Amiruokchu, election thawm ri chu hriet ding meu a la um nawh. Tum danga inthlang boruok le khaikhin chun tuta tuma inthlang boruok hin thawm a nei lien naw a, a re angreng hle. Hi thil hi Election Commission of India (ECI) in inthlang felfai lema a hung um theina dinga dan zui le zawm ding a hung siem khau lei a ni el thei. Tuta tum hin chu inri hum huma vote zawng nekin in tinah luta vote zawng hi election campaign fe dan nin an lang. Public meeting le ruoi the dur dura vote campaign-na nekin tu kuma vote campaign dan hi a tha lem dim ti chu hunin a la hung hril ding a nih.

Manipur Politics fe dan phung hi a tawngbau thiem taphawtin an hril beidawng thiem a, an sawrkar ve phawt naw chun Manipur hi hmasawn thei lo ding hiel khawpin an hril thiem seng a nih. Tu party le tu candidate hril tak him thudik le thu tha a ni ding ti hi mipui tamlem hai ta ding chun hriet a harsa hle. Election le vote zawng lai hin chu ram le hnam an hmgang seng hlak. Hi lei hin election zo chena ram le hnam hmgang a, sin thawtu ding hi tu party tak am ning an ta, tia mipui han political party tum tum hai thu hril hi ei bichieng a tul hle.

Political party hrian hrian an candidate dinghai an sukfel a, candidate-hai khawmin nomination paper an file zo ta a. Candidate an hnukdawd nuomhai khawm an inhnukdawd vawng ta a. Tu taka party hrian hrian le candidate tum tum hai thil thaw tak chu party manifesto, party policy le party vision a nih. Political party tum tum hai election manifesto hai hi mihriem han an in duong le an ziek a ni lein a tha naw a um naw a, a tha seng. Party tinin an election manifesto, policy le vision hai hi a takin hung sukputting hai sienla chu ei ram hi hung parvulin a hung hmasawn ngei ring a um. Amiruokchu, mani party election manifesto sukputting party hi an um meu ngai nawh.

Democracy hmgang inrelbawlna ramah chun khawvel pumpuiah political party han inthlang manifesto hi hmgang pawimaw ah an hmgang a, mipui lai inzawrna takah an hmgang hlak. Manipur a khawm party ei nei tira inthawkin election manifesto ei hmeh hriet ve a, vawisun chen ei rama political party-hai chun manifesto chu nei ngei dingah an ngai a, sum le pai, tha le zung tam tak sengin an siem a, tuhin an hung puonglang ur ur ta a nih. Political party tum tum han manifesto an siem le an puonglang hai hi bichieng a tul hle. An manifesto haihin hin tu pawimawa ei ngai (major issue) hai a thang am? Tuchena political party tum tum hai manifesto haihin Manipur tribal-hai major issue a thang meu naw nin an lang. Election huna hman an ngaisak naw chun election zo tieng chu ngaisak naw hleng an tih.

Hieng a ni lei hin election manifesto hi ngaipawimaw hle ding a nih. Mipui tiengpang khawmin election manifesto hi ei ngaipawimaw tawk naw a, election zova khawm ei bawzui ta ngai bawk naw lein thlanglala um political party khawmin an hung bawzui naw a, a ngaisak ta ngai bawk nawh. Hi lei hin tuta tuma election a hin chu mipui han election manifesto ngaipawimaw nachang hriet ta ding a nih. Election zo hnunga khawm a bawzuitu ding Committee indin inla nuom a um. Ei bawzui chun kaw a hung nei ngei beisei a um.

Manifesto tha siem chu Political party tin thaw makmaw a nina lai a um bawk; a san chu sawrkarna insiemtir theitu a ni lein mipui hipna dingin an htaw a tul tlat si a, a pawt tak chu an manifesto sukputting tuongting nawk si naw hi a nih. Manifesto nei tha le manifesto sukputting theitu ding hi mipui tiengpang khawmin ngaitueng ei tiu. Chu ding chun Manifesto sukputting lo hai ngaisang lo le a sukputting hlak hai ngaisang a ngai a nih. Vote ditna lei ringawt hin chu manifesto hi siem lo ding a nih.

ALL INDIA RADIO: CHURACHANDPUR PROGRAMME
Date: February 22, 2017 (Wednesday)
TRANSMISSION- FM-101.4 Megahertz

Hours	Studio/	Programme	CD/No
5.23pm	CR/P	Signature	
5.25pm	CR/P	Vande Mataram, Time Reading, Opening Announcement & Mangal Dhvani	
5.30pm	P	PAITE Prog. Sig. Tune & Announcement Announcer: Niangnemching 1) Muan Hangzo & Party (mod)	CD-1726
6.00pm	P	HMAR Prog., sig. Tune & Announcement Announcer: Mary Lalithakim 1) Lalremthang (mod) 2) Hringchawithang (mod) 3) Talk: "Prevention and treatment of cold Diarrhea" by Dr Lazarzoien	CD-255 CD-255 CD-979
6.30pm	P	THADOU Prog., sig. Tune & Announcement Announcer: Hethang Doungel 1) L. Paomang & party (trad) 2) Talk: "Systematic voter education and electoral participation" - LC Haokip	CD-1400 CD-1683

Editorial Board
Lalmalsawm Sellate: Editor & Publisher
Roding L. Sellate: Jt. Editor
Ramditum @ Rama Ralsun: Asst. Editor
Lalsansuok Pulamte & Samuel Zothanglien@SZ Zote: Sports
Joseph Joute: Freelance
Lalruotlien Dulien: Computer Assistant
Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.

Tulai: Bethel Chimbuka Inthawk – III

-David Buhril

Vangduoi thlak takin a naupai lai, nau lutir ding, leh a thi a. A pasal a dit ngawi ngawi an thepui el chauh ni loin nau a dit bek bek khawm nei hman lovin khawvel a maksan ta a. January thla sung ringawt khawm khan daktawr 'check-up' wavi thum zet an nei. Daktawrhai chun naut a tha an tipek zing. A hung chau se thut a; a lu-ah khawkipui a lut a nih dam an ti ta mei mei. Imphal tieng an tir ta lem a. Imphal a daktawr hai chun naut a chu a nu phing sungah a lo thina a sawt tah an ti daih si. Vangduoina'n chin lem a nei nawh ti ei hrieta chu mihriem fimkhr nau leia tuoksiet tuok hi tiem seng lo a ni ve tlat. Tuihaphai khawm daktawr fimkhr nau leia thi chu tamtak hriet ding an um tah. Ei la tha tawl am a ni ding, nachang ei hriet naw lei am a ni ding, annawleh daktawrhai vangnei lei lem; court-a inkhing ut le hi hriet ding a la um meu nawh. Changkangna'n hriselna le damnawnahai khawm hi sumdawngna'n an chang tir vawng taa chu hringna hi san thei a nih ti ruok chu a santu dinga inchuk le um hai khawmin an hriet thar a tul hle. Sumdawngna ringawt a ni nawh. Hming, kum, nu le pa hai hming le umna hmunhai indawn zo a, so them le phing hmet ringawt hnunga damdawi ziek tlar el hun kha chu ei pel tah. Tienlai sipai ang khan inngai pal an tih ti inlau a um; eini khawmin tienlai sipai ei ti le inza ang khan chu thaw ta naw bok ei tiu.

Ani ngei, ama khan hla dit tak a lo nei hlak a. A ruong an inthla liem tawm bek hnuoia a hla lo dit hlak chu sakpek ding an rawta chu an kohran ril rem zangw hla a lo ni pek naw hlauh a, an sak dal. Chuong ang dar vuok le khuong ben karah mihriem anga dam khawsook tumin kal ei pen teng teng chu a na. A fe ta haiin an maksan ram an thlakhla ta awm si naw karah, dam mang loa rinumna bang zut zing haiin ei inkhitna hruihai insut hadam dan ding ruok chu ei zawng laia a lien tak annaw khomin a pawimaw pawl tak ni zing sienla nuom a um. A mawi, a nal, le a tha ei ti le ei ngaihai hnawtin ei intlansieka chu ei hla dit bek khawmin ami zui naw ding a nih ti chu a chieng.

Khelzawl dangah khawm a lo danglam duoi bik nawh. "Ram laklaw deu a nih" ami tipek a. A that lai hun, kum sawm neka tam, phing inbel rakin MLA a lo zui a. MLA pa nekin an biel chu a kan ngun hlak. "Pai nei mang loa insuk MLA deua inzin atul hun a tam hlak", a ta. Wavi khat chu mipui pung khawmin an harsatna thu an hung intlan a. Thaw thei um mang lo chu ngun takin a lo ngaihlak bawk. Chuong lai tak chun kohran pawl pakthathai khan building fund ding an ti manih, ramthina ding amanhi tiin sa ser an hung zawr thut a. MLA rawipa chu tiin kohranhai khawm chun an hung bawk rak tum bawk. "Ser khat man ding khawm ka nei nawzie chu Pathien le kei chahin ka hriet a na, a rinum veng veng ie" a tih. "Lungvar hmgang a ngai rek ta a", a ti an nawm. An mai sawk sawk a, a mansa nei po po a dap kim vawng zet hnung chun confidence tlasom lo reng reng rawl khan, "ATM khaw a um hnai am?" a ti pek dai a. Chuphing leh, sa zawrhai khawm chun a pai remchang el naw a nih ti an hriet a, an hnaw lui el ta nawh. Tuta tum ruok chu a bang ta hlawl. "A hadam lem ie", a ti takluo ie.

Elektik meivar khawm la tlung lo; tarhai khawmin an pension an hmu le an hmu naw karah, a hmu sun sunhaiin an sum an lak dawk ding khawmin Tuit haphai an naw leh Mizoram a daih ATM an hmgang laia Senvona ATM booth zong thut politics chu thiem deuin ei inkhel tawl chu a nih. Intal suok tumin hma ei lak seng; chuongchun zing nisa suok chu ei intuok pui nawk pei hlak chu a lo nih. Chu ram laklaw chu a biel sunga chenghaiin an phan, an bawl le an rem ni loin, a puo tienga mihain ei hriet dan le ei thiem dan, thapui le thate po sengin ei phan a, an thu le hla loin ei hnaw de lem hlak a lo nih. Offside mutring mut ding an um naw mei cho a na; Tipaimukh puo tienga haiin hi biel chikte hi an khel let dan ruok hi chu ieng panna khawm ni sien dam hman ngai naw nih. Chu lei chun "Ei ringum nawh, ei depde taluo", ti ngai naw mei niu. Banga kutziek an ti kha ei chan vawng a lo ni lem. A wavi naw pa le a wavi pa bulah a thuk dan an ang vawng tho. Tipaimukh biel ei pal let ngam ang hin ei biel chit hi ring chen chen pal ngam pui ve inla chu laklaw ta naw deu ei tih.

Tipaimukh biela ngir ding MLA iemani zatin Rengkaia party office an hang hong ngha la. Reverend le Pastor hai khawmin an tawngtaipek tawl ngei. Football inkhel tawm zata A side le B side haiin hnena chang ngei dinga an tawngtai ve ve hlak kha amin hriet suoktir. Ngaituo khawp a tling. Nal deua inthan dan chu ei thiem tah. A sawt deu deu, a laklaw deu deu mei chauh a nih. "A hrim hrimin Tipaimukh MLA party office meu chu Rengkaia an hawng ta rek a!", an ti ngei. Tipaimukh SDO office Rengkai/Apollo veng a um a nih ti hre chieng pawl an ni ngei. Mipui chun ei hriet tawl ie; ip ding um hlol lo chu. Ei ha ei sukdam thiem tawl tah. Kaisan fiel a tul nawna zawng tak a nih. "Ruola, ei biel hming chu an la theinghil nawa chu a office po po Rengkaia an mi siepek vawng ding a hawi ngei", an ti ngei. Ei hriet ta le, ei thaw dan hi thiem deuin ei la sawm pei chun Pherzawl DC office khawm Rengkai lai bawk inthut nawng an tih ei ti thei met le.

An lumlet rek tah. A so a nih; a phul nawh. A um dan ding reng a nih. A nep nawh. A thing nawh. Ei thlarau le ei taksa inhil raka inngai sietna ding lem chu a um thak nawh. Ei inthuruol nawna an nawh. Ei inrem nawna an nawh. Ei intawl nawna an nawh. Ei chauna an naw bawk. Dimokrasi naubawm a ni lem. An hril America le "BBC London Airport" a hai khawm hieng ang nek nuk hin an inkhel ve tho. An khelhai vun rawng a dang deu a mei chauh a nih. BJP an tih; LJP, NEIDP, PJRA, etc., an tih. A lam sei hre mang loa thi huoma tan ngamtu ei pung ei uoi dam hi tha ve tak a nih. Anachu, ka ruolpa Darsuolalin, "Thi tia thi ngama tlan..." a ti kha a him tawk char. Chu party, kha party, chu pa, kha pa ei ti kheloh ei ngaituo a tul lem chuh: leng thumu (agenda) am an ngirpui? Eini khawmin ieng agenda am ei nei? A sawt a seia ding ieng thumu am intawmin ei intlawan tlangpui ding? Chuonghai intuok mat chu a nih ei tet khum ding chu. (Feb. 18. 2017. Bethel).

OPEN LETTER TO DEPUTY CHIEF MINISTER GAIKHANGAM

This refers to the irresponsible statement of the Deputy Chief Minister of Ibobi led government, Gaikhangam that the nine tribals martyrs including an 11 years old boy were hired by rebel groups. In fact, it is the Congress governments' passages of the three infamous bills in the first phase on 31st August, 2015 which triggers widespread protest leading to the death of nine tribal prototors as they are rights awared and were keeping themselves pace with the implication and possible consequences of the bills. Secondly, it is with behest of the so called CorCom a conglomerates of the proscribed Meitei UGs groups that the Congress passess the three bills.

So, my contention here is protesters has no malafide ground to sought the backings of any rebels groups. Instead it is the Congress governments nexus with the proscribe valley based UG called the CorCom which they were protesting particularly when their understanding ultimately resulted in passage of the act. Because the act has been detrimental to the tribals and for their land.

So it is not sensible statement for one who is in the top achelons of government i.e. deputy Chief minister as well as home minister, which is a dual portfolios to term with certainty that the tribal martyrs and for that matters the tribal protesters of the bills have avail the backings of a rebel groups. I beg to make an appeal to Gaikhangam to tender an evidence of his irresponsible statement in public through some local dailies or else hi shall be term as term as an ti-tribals.

Can some comrades in his government not informed him of the occasion when a UG leaders house located in Churachandpur was torched during the heat of protest movement against passages of the three bills. This incident is one of the evidence in the series which proves that at no point in time rebels were supporting the protesters.

The joining of other parties by senior members of Congress party is self evident of the revulsion for the parties leaders' communal minded stand and a loss of the people's mandate which is a proves that it's days are numbered.


Finally, Gaikhangam is again requested to stop from criticizing others on what his party does as it is going to simply tarnish the parties' images.

Sincerely,
D.K. Mang
Independent Candidates
58/CCPur Assembly Constituency

India le Rwanda in agreement 3 an ziek

KIGALI: India le Rwanda hai chun innovation, aviation le visa haia thaw thlang dingin agreement an signed. Agreement chu Rwanda a cham mek Vice President Mohammed Hamid Ansari le Rwanda Prime Minister Anastase Murekezi haiin forum meet nei laia an ziek a nih. Vice President chu East Africa a rambung 2 sir dinga inzin a na, India-Rwanda innovation growth programme hawngna a nei bawk.

Agreement 3 hai chu India le Rwanda rambung haiin an hlawkpui ve ve dinga ti a na, India le Rwanda inkara vuongna service siem ning a ta, Rwanda-ah India finance na in Entrepreneurship Development Centre siem dinga ti ani bawk. Rwanda le India in



diplomatic le service passport neihai chu visa ngai ta lo dinga inremna siem a nih. Vice President chun Rwanda President inhmupuina a nei a, rambung pahni haiin hamthamna an inpek tawn thei dan lampui hai hril tlangana an nei. Rwanda Senate President khawm inhmupuina neiin

Indian constitution a pek bawk. Zanita Rwanda hmuna a hun tawpna tak dingin Vice President chun University of Rwanda a student le faculty hai inhmupuina a nei a, function neina ah thu a hril bawk. Vawisun hin Uganda tieng a pan nawk a, Rwanda Vice President khawmin a zui ve.

Jammu Highway khar

SRINAGAR: India state danghai le Jammu and Kashmir inzawma um-sun Srinagar-Jammu National Highway chu hmun t henkhat haia mimkei leiin ni 2 zet khar ani tah. Mimkei chu ruosur leia tlung a na, ruosur a tawp ta chun vawisun a inthawk Highway chu hawng ni dingin Traffic Control Room chun a hril. February 17 a inthawk khan Jammu and Kashmir hmun thenkhata ruo a ching tan a nih. Ruosur leiin boruok khawm dei tieng a pan zool a, hmun thenkhatah 2.7 degree celsius niin, thenkhata chun 5.8 degree celsius anih. Kashmir tlangram hmun insangna deua hai chun ruo ching annawleh sum zing dinga hril a nih.

Pasal pakhat SP mum 2,800 leh man



IMPHAL: Zani zing dar 6:00 AM a inthawk zing dar 6:30 AM inkar sung khan Sora, Kakching district ah Manipur Police Commando han dappui an thaw a, Md. Angou

chu SP mum 2,800 leh an man. Mi thenkhattin Police Commando hai hi lungin an lo deng a, Police thenkhat an hliem nuol bakah, motor khawm an deng siet nuol.

Assam-ah HSLC question paper a leak

GUWAHATI: Assam Higher Secondary Education Council (AHSEC) huoihawtna hnuoia Higher Secondary Examination fe mek chu, board hai an fel tawk naw lein question paper a leak pha nia hril a nih. Zanikhan Mathematics exam ding an ni laiin, Borimkha HS School, Baksa district a chun examna an la neilo Assamese question

paper an hmu a nih. Centre pakthata khawm Mathematics aiin Social studies question paper an hmu nia hril a ni a, February 23 a social studies chu exam chau ding a nih. Exam chu thienghlim taka nei a nina dingin, exam centre a inthawka 200 mtr huom sung CrPc 144 puong ani a, exam hall thenkhatah CCTV inbuk ani bawk.

April 1 a inthawk Jio a man pek ta ding

MUMBAI: Hung tlung ding April 1, 2017 a inthawk Reliance Jio hmgantu hai free data a bo ta ding lein, data, call le SMS hai chu a man peka hmgang zawm thei ani ding thu company chairman, Mukesh Ambani in a hril.

Rs. 303 thlakhata ding thun in, Jio Prime Member haiin Happy New Year plan an la sunzawm thei ding niin a hril. Member hai chun March 31, 2018 chen unlimited in an la hmgang thei ding a nih.

Reliance Jio chun company danghai neka 20% a data tam lem a customer hai a pek ding thu Ambani chun a hril.

Mi 10 lakh in Rs. 153 crore anghu prize dawng nawk

NEW DELHI: Digital payment promote-na dinga thaw Lucky Grahak Yojana le Digi Dhan Vyapar Yojana hai fethlengin, zanikhan e-payment hmgangtu 10 lakh haiin Rs. 153.5 crore anghu prize an dawng nawk. Prize dawngtu hai chu dawrkai 56,000 le 9.2 lakh consumer hai an nih.

ram sunga state tum tum le, economic thlura background hrian hrian neitu hai niin NITI Aayog CEO Amitabh kant chun a hril.

Lucky gift lawlman dawngtu hai chu India

Demonstration hnunga digital payment sukhmasawna dinga Lucky gift hai chu siem niin, e-payment hmgantu consumer le dawrkai hai prize pek hlak an nih. Scheme chu April 14, 2017 chen thaw ning a tih.

Assam-ah student han inthaw khawmin lampui an siem

GUWAHATI: Assam state sunga student hai thangruolin an allowance hai thaw khawmin, kumtina fur zata ruotuiin lampui a sukstet hlak chu siemna an nei. Lampui chu anni ngeiin an siem a, chu ruolin nuhmei hai tadingin toilet an siem sa bawk.

an siem pek a nih. Assam state ah fur chu a tlangpuiin thla 6 sung ani hlak a, chu neka sawt ani chang khawm a um hlak bawk. Fur huna chun lampui hai chu tui intlingin, chirhak tam tak a um hlak a, motor tlan le mihriem inlawng ding a sukharsa pha hlak a nih.

Karhmasak khan Assam Valley School (AVS) student 850 hai chun 200 km a sei ding lampui siemna an nei t an a, chu sin thawna dinga an thaw khawm po chu Rs. 3.5 lakh a tling phak a nih. An lampui siem chu Balipara le Guwahati inkar niin, Khelmati weekly market-ah mi harsa zuolhai tadingin toilet

Hieng harsatna mipuiin an tuok hai suktawpna dinga student hai chun hmalkakna an fepui ani a, school thuneitu le a rammi hai an lawm hle a nih. Chu sin thawna chu Higher secondary student hai hmalakna a tan ani a, social service an thawna a ngaiin student ruol chun beipui an thlak a nih.

UP 4th phase assembly polls campaign hun a tawp

LUCKNOW: February 23 a vote thlak ding Uttar Pradesh 4th phase Assembly election a dinga campaign hun chu zanikhan khar ani tah. 4th phase election chu district 12 huom sunga constituency 53 haia nei ning a ta, candidate 630 an um a, chu hai laia 50 chu nuhmei an nih.

Polling agent le security sinthaw ding hai an duty na ding hmun an tlung tawl tah a. Election Commission chun complaint a hmu lein administrative le police officer 29 zet a lak dawk pha. Officer an sinthawna hmuna inthawka lak suok hai lai chun ADM Deoria, SP (Crime) Allahabad le Jaunpur, Banda, Mahoba, Jhansi, Jalaun le Lalitpur district SHO hai an thang ve.

Zani kha campaign hun tawpna ani lein, party hrian hrian haiin thang an lak nasa hle. BJP President Amit Shah, SP-Congress Alliance thuoiit Akhilesh Yadav le Rahul Gandhi haiin Allahabad-ah road show an huoihawt a, BSP chief Mayawati chun 4th phase campaign chu a lo zo ta thung a nih. District 12 haia hin campaign rally nei an ni tawl bawk.

BJP chun SP thuoiit Akhilesh Yadav, Ram Gopal Yadav, Akshaya Pratap Yadav le Arvind Yadav hai chu model code of conduct an bawsiet tiin sawiselna EC-ah an peklut a, hieng thuoiit hai hin EVM suksie tumin voter hai chu thawluna in vote an in thlaktir tum niin an hril.

LAKTAWI

SCCJ hlui Altamas Kabir a thi

KOLKATA: Chief Justice of India hlui Altamas Kabir chu zani zingkar khan kum 68 mi niin damnawna leiin a thi. Altamas Kabir hi ni iemanizat liemtata inthawka kha life support system hmanga enkawla um ta a ni a, Kal tiengpang natna nei a nih tiin Supreme Court Judge hlui le a ruoltha Ashok Ganguly chun a hriil. Kabir hi Chief Justice of India 39-na niin September 29, 2012 a inthawk July 19, 2013 chen ni 292 sung Chief Justice of India a lo chel a. Hi hma hin Jharkhand le Calcutta High Court Acting Chief Justice hai khawm a lo chel ta a nih.

Withdrawal limit sukpong

MUMBAI: Saving account a inthawka Rs. 24, 000 chen laksuok thei chu, zanita int anin Reserve Bank of India (RBI) in Rs. 50,000 in a sukpong tah. March 13 a inthawk Saving Bank account haia withdrawl thei zat a bithliek chu a sukbo ding thu RBI in a hriil bawka, March 13 hnunga chu Bank le ATM a hai a neitu in a mamaw ang dungzua pawisa laksuok thei ni tang a thi.

Centre in Coastal radar stations a dingin Rs. 800 crore

NEW DELHI: Ministry of Defence chun India rama surveillance tiengpang sukhratna dinga Coastal radar stations 38 indin belse na dinga Rs. 800 crore hmang dingin a remtih. Hi baka hin Ministry of Defence chun mobile surveillance stations 4 siem belse dingin a remti bawka. Tuipui fethleng hung lut Terrorist hai Mumbai-a an cheta inthawk khan India sawrkar chun tuipui fethleng India ram lutna hmun hai chu venghimna nasa takin a hung sukkhau ta a nih.

Trump in NSA dingin Lt. Gen. HR McMaster

WASHINGTON: US President Donald Trump chun Lt. Gen. HR McMaster chu a National Security Adviser dingin a recommended. Tuta hmaa Trump in National Security Adviser dinga a ruot Lt. Gen. Michael Flynn chu tuta hma kha a lo inhnukdawka ta a nih. Lt. General HR McMaster hi US Army Lt. General niin Iraq le Afghanistan haia khawm lo um ta le anti-corruption drive a sawrkar le sin lo thawtlang ta a nih. Michael Flynn an ban hung khaan Trump in retired Vice Admiral Robert Harward chu a National Security Adviser (NSA) dingin a fiela, sienkhawm Admiral Robert Harward chun a mimal thil leiin a lo hnawl ta bawka a nih.

Liezitsu in Nagaland CM dinga intiemkam ding; Bandh hlip a ni tah

KOHIMA: Nagaland People's Front (NPP) President le Chief Minister dinga ruot thar, Shurhozelie Liezitsu chun Nagaland Chief Minister a 17-na dingin vawisun hin intiemkamna nei a thi. Intiemkamna hun chu puithu taka programme hmang dinga siem na, Governor PB Acharya hmaah intiemna nei a thi. Thawtanni a Democratic Alliance of Nagaland (DAN) legislators meeting neina a Liezitsu chu CM thar dinga ruot a nih. Nikum a inthawka Nagaland state sunga buoina um ta chu CM thar a ngir suokna hin a suktawp dinga ring a nih. ULB election a nuhmei reservation chungthua buoina hun sawt tak a um hnungin,



Zeliang chu a mawphurna a tlak naw leia inban dingin Naga hnam thuoitu haiin an phut a, chu le inzawm peia Liezitsu chu Zeliang an ban hnungin, ama thlaktu dinga ruot a nih. Thawtanni vek chun Governor in Liezitsu chu Raj Bhavan a ko in, sawrkarana an hma tiengsiem dingin a hriil a nih. Chuong lai zing chun, CM a inthawka inban tah

liang in fare-well speech a hriil a, Nagaland CM ani anga thahnemngai taka sin a thaw mek laia, boruok danglam tak a hung tung thut chu paw a ti thu a hriil. Sawrkar department le Food & Civil Supplies le inzawma sinthawna dam sawisela a um pei chu mak a ti thu a hriil bawka. National Food Security Act nikum June thla a implement a thaw chu, Naga mipui haiin sawrkar scheme hnuoia an chanvo ang an hmuna dinga a thaw thu a hriil. TR Zeliang CM a niina inthawk an ban ta lei hin Nagaland-a tiemchin um lova bandh thawma um khawm zanita inthawk khan hlip a ni tah.

PM in skill worker hai tadingin visa thua lungril inhawng taka um dingin US a hriil



NEW DELHI: India a work thaw dingin software America in 65,000 H-1B visas a siem dawngtu rambung hai laia tam tak chu India a na, US a Master degree hmutu 20,000 neka tam hai chu H-1B cap hnuoia awlsam deua visa hmu thei ngirhmuna um an ni bawka. H-1B programme hnuoia India mi America a sinthaw zat chu chieng taka hriil thei an ni naw a, a mihriem chu an pung pei a nih. India rama pieng Microsoft CEO Satya Nadella khawmin Prime Minister inhmupuna a nei a, 'immigrant policy' leia tuta a career phursuok thei ani thu a hriil. H-1B visa chungthu hi Tata Consultancy Services, Infosys Ltd le Wipro Ltd hai thangin, thawtku 35 lakh neka tam hai chu inhmun thei ding anin a um mek a, tuta riruog anga thaw ani chun, H-1B visa holder hai chu an hlaw pung a ta, inhawitaka khawmak an rel thei ding leiin an lawm hle a nih.

tiengsiem nei hai US-ah thawn lut an pawimaw thu a hriil. America economy le an khawsak sukinhawitu chu talent thatak tak le thiemna inril tak tak nei India mi hai an ni thu PM chun a hriil a, US congress member laia bipartisan delegation 26 hai inhmupuna a nei zoa Prime Minister's Office (PMO) in hi thusuok hi a siem a nih. Professionals hai inruolrem taka hmanga a, thilma tukver suklien in, ngaituona le hmahlir sei tak nei a pawimaw thu PM chun a hriil bawka.

CBI chief hlui A P Singh thubuoi siem khum

NEW DELHI: Central bureau of Investigation (CBI) chun meat exporter Moin Qureshi a case an suina ah, CBI Director hlui Amar Pratap Singh chu corruption a inrawlwa a nei leiin thubuoi an siem khum. CBI in case an suina le inzawmin Delhi, Ghaziabad, Hyderabad le Chennai hai ah dappui an thaw a, Pratap

Singh a In khawm dapna an nei a, Qureshi case suina nei ani laiin Pratap Singh chun ama a thlawp thu hriet ani a, ieng anin am inrawlwa a nei ti hai chu kimchang taka hriet tuma sui mek a nih. Qureshi chungthu chu ram sunga pawisa indiklo taka chalaithu hai suntu Enforcement Directorate (ED)

Pathien kuoma lawmthu hriinla in Rs. 5.6 crore manhu gold inhlan ding

TELANGANA: Telangana Chief Minister K Chandrababhan Rao chun a In bawl buoina um loa tha taka a zo thei leiin, pathien kuoma lawmthu hriinla in Rs. 5.6 crore manhu gold an hlan ding niin a hriil. Rao chu a sunghai le a minister thenkhat leh zani zantieng khan an suok tan a, lawmna thilpek chu vawisun hin Tirumala temple-ah inhlan a an a thi. A thiltum ang a sukpuittling thei chun, Rao chun Telangana le Andhra Pradesh haia pathien le pa-

thiennu hai chu incheina hmangruo chihran hrian inhlan dinga a ti a nih. Tirupati temple a um ve ve Lord Balaji le pathiennu Padmavati hai chu gold a siem incheina thuomhawn Rao in inhlan a thi. Thawt anni khawm khan Rao hin Veerabhadraswamy temple, Kuravi-ah gold inthieng tak pathien kuoma inhlan a lo nei ta bawka. 2014 a Andhra Pradesh a inthawka Telangana th hethlak ani a inthawk khan. Telangana Chief Minister

Rambung 4 haiah tam leiin tukum naupang 1.4 million vel thi el thei ding ngirhmuna an um: UNICEF



UNITED NATIONS: Tukum sung hin khawvel rambung pali- Nigeria, Somalia, South Sudan le Yemen ram haia chun faking mamaw taw hmu- nawa lei le tam leiin naupang 1.4 million vel thi el thei ding ngirhmuna an um niin UNICEF chun zani

hmasa khan a hriil. Yemen rama chun kum 2 sung deuthaw indona leiin faking mamaw taw hmu lo naupang 462,000 le Nigeria rama 450,000 vel an um niin UNICEF report chun a hriil. Nigeria rama Borno state a chun aid agencies hai an lut theinaw leiin tam nasa takin a tung der ta niin famine early warning system Fews Net chun a hriil. Somalia rama chun khaw inthel leiin naupang 185,000 vel ding chu tam tuok thei ngirhmuna um zing an ni a, tuta inthawk thla tlawmte hnunga chun

IAS officer man

NEW DELHI: Chhattisgarh a Principal Secretary, Department of Higher Education sinthaw mek, IAS officer BL Agrawal chu zanikhan Central Bureau of Investigation (CBI) in an man. Agrawal a ruolin CBI chun midang 2 an man sa a, pakhat lem chu a unauwa a nih. CBI in case an sui lai mek mi pakhat a thangpui a, chu haia inthawka Rs. 1.5 crore a lak leiin Agrawal chu CBI in case an siem khum ta hrim a nih. CBI chun Agrawal a In thangin Raipur, Hyderabad, New Delhi le Greater Noida a hai dappui an thaw a, gold 2 kg a rik le sumfai Rs. 20 lakh an man. Mana um hai chu New Delhi ah hrentang niin, thu indawna nei mek an nih.

Foreign Secretary Beijing-ah

NEW DELHI: Foreign Secretary S Jaishankar chu Chinese officials hai inbiekpui dingin zanikhan Beijing a tung. India Nuclear Suppliers Group bid le US in Jaishankar Mohammed Chief Masood Azhar a banned na ding chungthu haia ngaidan inanglo um leia Foreign Secretary chu inzin a nih. Beijing-a a cham sungin Executive Vice Foreign Minister Zhang Yesui leh inbiekna nei an ta, Foreign Minister Wang Yi leh inhmuna bawka an thi. Beijing Special Representative for India-China border, State Councillor Yang Jiechi khawm Foreign Secretary chun inhmupuna nei a thi. Jaishankar hi 2009 le 2013 inkara India Ambassador to China sin lo thaw a na, Beijing a India Diplomat hai laia um sawt tak a nih.

Delhi-ah NE nuhmei suolluutu 1 man

NEW DELHI: February 18 zana New Delhi hmuna park sunga Northeast nunghak kum 24 mi suolluutu Chandra Vihar chu Police haiin an man tah. Nunghaknu chu a sunghai le ruol thenkhat le Deer park a fe an na, zan dar 11:30 PM vel in Chandra Vihar chun inthla dingin a fiela, nuhmeinu chun a thangpui dinga ngaiin a zui a, park sunga hmuna finriel tiengsiem thuoia a suolluui a nih. Police a complaint ani hnungin, CCTV footage haienin, chulahi hmuna dawkrak, security guard le park attendant hai police in thu indawna an neina le inzawma Chandra Vihar chu man a nih. New Delhi le khawpui hrian hrana sinthaw le inchukna leia um hai fimkhur a ngai hle.

Russia Ambassador to UN a thi

UNITED NATIONS: Vawisuna kum 65 tling ding Russia Ambassador to UN, Vitaly Churkin chu nat lawk um lovin Thawtanni khaan a office kai lai a thi. Nat lawk um lova a thi thutna chun mi lung a thawng hle a, a hnuoia thawka a staff hai an hama hle a nih. Vitaly Churkin chu Russia tadinga ringum taka diplomatic service lo thaw tai niin, Belgium le Canada hai t hangin kum 20 sung Ambassador sin thaw ta a nih. 2006 khaan UN a Russia representative dinga sukdet a nih. UN General Assembly President Peter Thomson, Russia Federation le United Nations haiin khawvel pum huopa mi tangkai le mithiem a thina chun an sun thu an puong.

GOVERNMENT OF MANIPUR OFFICE OF THE DISTRICT ELECTION OFFICER: CHURACHANDPUR NOTIFICATION Churachandpur, the 21st February, 2017 No. 8/DC(CCP)/ELEC/N.O/SAE/2017: It is hereby notified for information of all officials who have been appointed as polling personnel in Churachandpur District that the 2nd and Final Round of Training for polling personnel scheduled to be held from 22-02-2017 to 25-02-2017 has been rescheduled from 23-02-2017 to 27-02-2017 at Churachandpur College at 10:00 a.m. Allocation of Polling Party/Team is as shown below: Table with columns: Sl. No, Date, Group, Polling Party No., Hall. Includes signature of R. Sudhan, District Election Officer, Churachandpur.

Fine Rs. 10 crore a peknaw chun thla 13 an tang belse ding

BENGALURU: A sum lamsuok le inmil lova a hausak leia jail intang dinga a chungthu rel a ni anga jail-a intang mek AIADMK leader Sasikala chu Supreme Court in fine Rs. 10 crore pe dinga a ti anga fine hi a peknaw chun an

tang hun thla 13 a keisei ning a tih tiin Prison Superintendent Krishna Kumar chun a hriil. Ms Sasikala hi kum 4 sung jail intang dinga Supreme Court in Feb. 14, 2017 nia a rel anga Parappanna Agrahara jail-a intang mek a nih. Kum 2014-a hi case bawka trial court in thiemnaw an changtir huna khan ni 21 sung Parappanna Agrahara jail-a hin a lo intang ta leiin tuta kum 4 jail intang dinga ti laia an tanga hun sung la bak hi kum 3 le thla 11 a nih.

East Libya in nuhmei khata ramdanga inzin a khap

BENGAHAZI: Eastern Libya sawrkar thuneitu hai chun a ram mi nuhmei kum 60 le a hnuoiteng mi hai chu pasal boin an khata ramdanga an inzin a khap. Hi thil hi sakhuona le politics lei a ninaw a, national security thil leia thaw a nih tiin General Abdelrazek al-Nadhouri chun a hriil. Embassy chun tourist 4 thi hai chu US mi an ni thu an sukchieng tah. Hi vuongna tuoksiet tuokah tourist 4 le pilot an thi

Palestina mi kap hlumtu Israel sipai thla 18 jail intang ding



JERUSALEM: Israel sipai Elor Azaria (20) chu Palestina mi hlienna tuok Abed al-Fattah al-Sharif, man a ni hnunga kaplumtuta intum a nina le inzawmin zanikhan Tel Aviv military Court hmaah inlangtir a ni a, Court chun thla 18 sung jail intang dingin thiemnaw an changtir. Hi inkaphlumna hi March 24, 2016 a kha West Bank khawpui Hebron hmuna tung a nih. Elor Azaria chun hi thil

hi ama le ama insanhimna (self-defence) dinga a thaw niin a hriil a, hienganga hliem puma an kawh hnung hin a sipai chanpui pakhat a la sunhlum nawk nia intumin Sharif hin thi a pu a nih tiin a hriil a nih. Hi thil tung hung inlangsuokna chu mobile phone hmanga Sharif kap hlum a ni lai Israel news programme-a suklang a nia inthawk a ni a, sawisela nasa tak a suksuok pha bawka a nih.

Australia vuongna tuoksiet tuokah tourist 4 le pilot an thi

MELBOURNE: Australia rama chun zanikhan vuongna chin pakhat tuoksiet tuokin a tla thla a, Pilot pakhat le a sunga chung American khuolzinmi 4 in thina an tuok. Twin-engine Beechcraft Super King air-

craft hi Melbourne khawpua inthawk a vuongsuok minutes 45 hnunga tuoksiet tuokin Essendon hmuna Direct Factory Outlet Mall bawl zo la hawng lo chu a suksiet vawng. Canberra khawpua US

Embassy chun tourist 4 thi hai chu US mi an ni thu an sukchieng tah. Hi vuongna tuoksiet tuokah tourist 4 le pilot an thi

President Barrow in intang 171 an suo zalen

BANJUL: Gambia President thar Adama Barrow chun, human rights bawsi-etna suktawp a ni ding thu hriilin an chungthu ieng-khawm ngaituona (trial) um lova intang mi 171 zetu insuo zalen dingin zani hmasa khan Order an suo. Hi thu hi Banjul khawpua inthawk km. 20 vela hla Bakau hmuna Independence Stadium hmuna official inauguration ceremony nei huna a puong a nih. Insuo zalen dinga ti hai hi kum 22 zetu Gambia ram rorelna lo chel tah President hlui Yahya Jammeh huna hrentang, an chun-



gthu ngaituona iengkhawm um lova jail-a khum hai an nih. Mr Jammeh huna khaan mi tam tak, an mimal ngaidan le political views an puonglang leiin man le an chungthu iengkhawm relna um hrian lovin jail-a

khum an lo ni a, thenkhat chu an thu le hla loin an rama inthawk hnawtdawk/intlanhngantir an ni bawka a nih. Politicians tam tak custody sunga thi an ni am ti khawm hriet lovin jail-a thuoan ni hnungin an inhmang bawka a nih.

Jerusalem Temple Rallak Thilhai Pholang Ding

VATICAN CITY, ROME: Kum 1, 500 neka tam liemta thil tlung, Jerusalem Temple-a rallak thilhai, abikin biekbuk (Temple) thuomhnaw sathaukhawvar siena kau pasari nei, tienlai Judaism symbol (menorah) le thil dang danghai chu, Vatican Museum (Roman Catholic) le Jewish Museum hai t hangruolin vantlung hmu thei dinga pholang (exhibit) an tum. Hi exhibition hi May 14-July 23 chun St Peter's Square le Rome synagogue haiha a ruola thaw ning a tih.

Jerusalem temple rallak thil an pholang dinghai hi AD 70-a Rome sipai haiin Jerusalem Temple a inthawka an lakhai kha a nih. Sathaukhawvar siena kau pasari nei 130 (painting le thil dang dangha a lim ziekhai), tienlai thlan lung, lungker le manuscript chi hran hran khawvêla museum 20 haiin an thaw khawmhai ning an tih.

Vatican Museum lutak nuhmei hmasatak Barbara Jatta chun, "Sakhuo pahni (Catholic le Judaism) hai ta ding le historical aspects-a dinga thil pawimawtak ning a tih" tiin a hril a. Exhibition hming dingin "Menorah - Cult, History and Myth" ti a nih. Amiruokchu, Rome sipaiin AD 70 Jerusalem an run tuma an lak, kum 1, 500 a umna chin hriet tah lo rangkachaka siem sathaukhawvar siena tak (Menorah) kha chu a thang

ve naw ding niin a hril. Hi rangkachak sathaukhawvar tak hi thilmak a tling a, rallak thil danghai popo a um laini kum 1,500 sung chu a umna chin hriet a ni tah nawh, Pathien thlarau pasarihai entirna kha.

AD 70 Rome sipai haiin Jerusalem an run khan temple thuomhnaw popo an lak vawng a, Titus-in hnêna a chang hrietzingna dinga Rome khawpua Arch of Titus an bawl khawm a la ngir zinga, thil danghai khawm an la um zinga chu rangkachak sathaukhawvar siena tak hi chu Juda haii khawmin temple bawl that nâwk huna hmgang ding an ti a nia chu an la hmu naw zing a nih. Thuthlung Thar an taa temple hmgangro le an inthawi danhai a tul a naw leia tu hmu thei lo dinga Pathienin a thup hmgang tah khawm a ni el thei ti hi tamtak ngaidan a nih.

Historian tamtak chun AD 455-a Vandal haiin Rome an runna Sack of Rome ah khan rangkachak sathaukhawvar siena hi chu an hmgang sawng tah niin an ring. Legend-a ruok chun, Tiber River ah peihawn a nih a, puk pakhat or Vatican City a thupruk niin a hril. Rome-a Chief Rabbi Riccardo Di Segni chun, "Hieng thusim hai hi an dik nawh ti an hriet pha mi tamtak an lungawi naw ding a nih" tiin a hril.

Exhibition-a pholang ding hlu deu dang pakhat

Angelina Jolie, Aium (Spider) A Fâk

LOS ANGELES: Kum 41 a upa an taa chu sungkuo lientak enkawl puma action film khawm la chang inhuom, a pasal le an inthe a inthawk thla ruk huungin Angelina Jolie chun a sin tan nawkin Inrinni khan Cambodia ah a film "First They Killed My Father" ti promote dingin an sungin an inzin a, Cambodia bu (dish) inhniktak aium (spider, tarantula) le ainuvt (scorpion) hme sungoin an fak ve mawl mawl.



BBC le interview an neinaa chun, Cambodia-a local cusine an siem danhai a hril a, thilhring (bugs) hi an bu inhniktak pakhat a nih ve niin a hril. Ama chau ni lovin a nauhai khawm a siem dan le fak dan an chûktir a nih. "Ram buoi le indo lai chu hieng ang bu hi ringin an dam khawsook hlak a nih" tiin a hril.

A nauhai hel hlum takin thilhring hai an sungoin, fain hlum takin an um zinga

(8) le Vivienne (8) hai hi Brad Pitt le an nau an nih. Shiloh hi Namibia-a pieng a na, inphir Knox le Vivienne hai France ah.

Brad Pitt le an inthe chu "harsa" a tih a. An sungkuo ta dinga thil pawitak a ni thu a hril. "Hril teu ka nuom nau chu, thil harsa tak a nih. Sungkuo ta ding khawmin thil pawitak, hun harsa tak a nih. Sungkuo chu kan nih zing a, nih zing pei baw kan tih" tiin a hril a. "Hieng ang thil hi mi tamtakin an tuok a, kan sungkuo khawmin kan tuok

chuei chun a mi thuoi a, hrât lem le lien lein mi siem pei ka beisei baw. Ka thil thaw taphawt ah naupang hai entawn thei dingin an dik le inzaumhai ka thaw hram hram hlak a. Anni khawm Hollywood tukver a inthawk ni lovin an mimal nina le sinthaw sang a inthawkin khawvelin an khi ve theina dingin le khawvêl ta dinga thil tangkai an thaw ve theina dingin siemlien hi ka thiltum a nih" tiin a hril baw.

Angelina hi UNICEF ambassador a ni lein khawvêla refugee hai sirin kil tin kil tang an zin kuol hlaka, a nauhai pakhat pahni bek a thuoi zie hlak. Tuta inthawka kum 5 hnungang em thaw i nuom taka ti indawna chu, "Khawvêl inzin kuola ka nauhai kan kuol ka nuom. Khawvel kil tinah thil tha tak tak thawa umin, hlum le hlâwtung taka an khawsook lai hmu ka nuom" tiin a hril.

Esha Gupta Amitabh Le Chang Ding Phur

MUMBAI: "Rustom" le "Jannat 2" hai lo chang tah, actress thar hmêltha baw Esha Gupta chun acting khawvêla a ngaisangtak le inzatak Amitabh Bachchan leh "Aankhen 2" an chang kawp ding chu ropui le vângnei an ti hle thu a hril.



PTI le interview an neinaa, "Ka thiltum/beisei 'wish-list' hai laia pakhat chu Amitabh Bachchan le film chang kawp hi a nih a. Pink film ka ena inthawk lem khan chu ama le role chite chang khawm kan hawk em em a. Fully open ka nih" tiin a hril. "Amit hi acting epitome a nih a. Mi danghai ngaitlaka mâni sinthaw khawm tha taka enka mi a nih" a ti bawk. "Aankhen 2" hi 2002 movie "Aankhen" zawnpui a nih a. "Aankhen-a khan Amitabh, Akshay Kumar, Arjun Rampal le Paresh Rawal hai an thang. "Producer Gaurang Doshi'n a mi hung pana thil umdan a hril khan, aw ti dinga ingaituo sawt ka ngai nawh. Ka role ding tak a hril lem khan chu ka vuong naw chau a nih. Pasal hai popo kâra um ka na, a film pumpui cheltu ding ka nih nâwk ngâl a" tiin a hlum zie thu a hril. Esha hi tu takin "Baadshaho"

shooting a thaw mek a. March 3 a release ding "Commando 2" a chang mek bawk. "Aankhen 2" a hin Arjun Rampal, Anil Kapoor le Arshad Warsi hai khawm thang an ta. March 10 a inthawkin training workshop hai tan an tih. A film a hin casino game inkhel lai khawm a um lein South Africa ah khawm an inzin bawk ding a nih. "Casino a game khêl laia ka role ding hi ka phur taket a nih" tiin Esha chun a hril bawk.

Esha hi 2016 khan Akshay Kumar le Ileana D'Cruz leh Rustom an chang a. Vidyt Jamwal le Adah Sharma hai leh "Commando 2" an siem bawk a, March 3 khin release ning a tih.

Ellie Goulding le Dougie An Inzui Tan Nâwk

LONDON: Ni kum 2016 February khan an sinthawna ve ve an buoi thei em lein inthe an rawta chu ruoltha anga inen zing dingin an intiem a. Hun sawtak inhmua ta ngai lova an um huungin Ellie Goulding (30) le McFly singer hlui Dougie Poynter (29) hai chu tulai hnai khan London Fashion Week ah an inzui tan nâwk tah a, hmu kawp nâwk an nih.



The Burn hitmaker Ellie hin sex appeal a nei tah bawk, figure-hugging navy dress, dara inkhai a hma suk thler a awmbawr inlang thei, malpui chenve chen huop puonbil, a malpui le kerai nal popo inlang thei a hak a, a ex Dougie, kamis zakuo tiel chungu biker jacket dum le kekawr dum bun leh an inzui suok lai hmu ania, mit a lak in faifuk a dawng nasa hle.

March 2016 an inthe zo hlum khan Dougie chun The Sun chanchinbu kuomah ruoltha an la ni zing thu le Ellie chu mi tha tak, ngai um tak a ni thu a hril tah a. An la ruol tha zing niin a hril bawk a. Tuhin ruol tha chau ni lovin an inkawp nâwk tak tak tah niin a hril.

"Kan inhmana em em a, kan inngai em em bawk. Ruoltha ang khawm kan nih a, kan lêng suok nasa thei em em. Amruokchu, kan sinthawna v eve lein inhmua kawp zing an tak lein kan inthe el a nih" tiin a hun lai khan a hril.

Ellie khawmin, "Kan inhngai naw lei an nawh a. Musician hai chu an sin lein inzin vel an hau a, kei ka buoi baw leh. Um kawp zing an tak leia inthe chau kan nih a, kan inhngai naw an nawh" tiin a hril ve a. An inthe hlum laia a lungri na tie hrilin, "Inthana a tlung hin na tak a na, tamtakin an hriet ve nawh" tiin a hril a.

Na ti hle ning a tih, kum 2 khawm a tling hmian an inhmua nâwk theina ding a dap ve char char a London Fashion Week an thlang tah a nih.

Adele'n A Naupa Nuhmei Inza Dinga Hril

LONDON: Kum 28 chauva upain khawvêl a fang kuol zinga, album siemian a hlaiha a promote zing laini Grammy Award winner British singer Adele chun a nau kum 4 mi chau chu tha takin a enkawl tung pei a, hun a pek zing thei tho a nih. Kum lia upa Angelo chu, ama anga "nuhmei powerful" hai inza ding a zirir hlak niin a hril.



"Rolling in the Deep" saklartu, "25" le "Hello" album haia Grammy Award panga zet dawngtu Adele hin nau le pasal a nei ti thu hi a hril ri ngai nawh a. Tulai hnai khan a pasal Simon Konecki le an nau Angelo (4) hai chanchin hi a hrilling chau a nih. Kum 42- zeta upa Simon le hin 2011 khan an inhmua innei a, October 2012 khan Angelo hi an nei a nih.

ka kawla um inhawi a ti bawk. Ka fena na a mi zui hlak" tiin a hril. Pathienni khan Adele hi a world tour sunzawm dingin Sydney, Australia a vuong tlung nâwk tah a. A naupa khawm a darah an tul zing a, a thuoi ve pei a nih. A pasal ruok chu a hmêl an lang nawh. Hi world tour a nei zo hma hin chu nau pai nâwk a tum naw thu a hril baw lein a tour-a hin an pa a thuoi nuom naw niin an lang.

Pasal a nei thu hi Grammy Award a dawng laini, "Grammy, I appreciate it, the Academy, I love you, my manager, my husband and my son - you're the only reason I do it" tia a hril khan pasal a nei hriet a nih chau a nih. A pasal Simon hi charity Drop4Drop hmu suoktu a nih.

Adele hin Grammy Award 2017-a khan a album "25" le hla "Hello" haiah Best Album, Best Song le Record of the Year thangin award 5 a dawng a. Adele "Queen Bey" chun, "Hi Best Album award hi chu ka hringun artist Beyonce dawng ding a nih," tiin a award chu a laia a ekphela, a chenve Beyonce a pek a nih.

Ok! Magazine le interview an neina ah, "Tlangval tha tak a ni theina dingin nuhmei inza dingin kan chûktir hlak a. Kei khawm nuhmei (nu) thilhawthei tak (powerful force) ka nih ti a hriet. Ka sinthawna a mi zui hlak a,

Sports:

IPL 2017 Auction zofel: Player man totak-Ben Stokes (Rs. 14.5 crore)



Tukum Indian Premier League hung um ding le inzwamin Thawtanni khan player auction/zawrna nei a nih. Player 357 hming suklanga um hai lai player 66 charin IPL teama hmun an chang. England player pahni; Ben Stokes le Tymal Mills hai hung inlangar takin, Ishant Sharma, Imran Tahir le Irfan Pathan hai ruok chun hmun an chang ve nawh. Afghanistanista inthawk mi pahni; Mahammad Nabi le Rashid Khan hai Sunrise Hyderabad a hung lutin, mi tamtak la hriet ngailo; T Natarajan le Aniket Choudhary hai khawm an hung inlang ve.

Billings, Sanju Samson, Chris Morris, Carlos Brathwaite, Karun Nair, Rishabh Pant, CV Milind, Syed Ahmed, Pratyush Singh. Squad strength: 26 (17 Indian, 9 Overseas) Spent-Unspent Purse (In INR): 14.05 crore - 9.05 Crore

ell Johnson (2 Cr), K Gowtham (2 Cr), Karn Sharma (3.2 Cr), Saurabh Tiwary (30 Lakh), A Gunarathna (30 Lakh), K Khejroliya (10 Lakh), Rohit Sharma, Kieron Pollard, Lasith Malinga, Harbhajan Singh, Ambati Rayudu, Jasprit Bumrah, Shreyas Gopal, Lendl Simmons, Vinay Kumar, Parthiv Patel, Mitchell McClenaghan, Nitish Rana, Siddhesh Lad, J Suchith, Hardik Pandya, Jos Buttler, Tim Southee, Jitesh Sharma, Krunal Pandya, Deepak Punia. Squad strength: 27 (18 Indian, 9 Overseas) Spent-Unspent Purse (In INR): 8.20 Crore - 3.35 Crore

Rising Pune Supergiants Full squad: Ben Stokes (14.50 Cr), Jaydev Unadkat (30 Lakh), Rahul Chahar (10 Lakh), Saurabh Kumar (10 Lakh), Dan Christian (1 Cr), Milind Tandon (10 Lakh), R Tripathi (10 Lakh), Manoj Tiwary (50 Lakh), Lockie Ferguson (50 Lakh), MS Dhoni, Ajinkya Rahane, R Ashwin, Steven Smith, Faf du Plessis, Mitchell Marsh, Ashok Dinda, Ankush Bhanis, Rajat Bhatia, Ankit Sharma, Ishwar Pandey, Adam Zampa, Jaskaran Singh, Baba Aparajith, Deepak Chahar, Usman Khawaja, Mayank Agarwal. Squad strength: 26 (18 Indian, 8 Overseas) Spent-Unspent Purse (In INR): - 17.20 Crore - 30 Lakh

Royal Challengers Bangalore Full squad: Pawan Negi (1 Cr), Tymal Mills (12 Cr), Aniket Choudhary (INR 2 Cr), Praveen Dube (10 Lakh), Billy Stanlake (30 Lakh), Virat Kohli, KL Rahul, AB de Villiers, Chris Gayle, Yuzvendra Chahal, Harshal Patel, Mandeep Singh, Adam Milne, Sarfaraz Khan, S Aravind, Kedar Jadhav, Shane Watson, Stuart Binny, Samuel Badree, Iqbal Abdulla, Travis Head, Sachin Baby, Avesh Khan, Tabraiz Shamsi Squad strength: 24 (15 Indian, 9 Overseas) Spent-Unspent Purse (In INR): 15.40 Crore - 2.42 Crore

Olympic Task Force (OTF) in workshop huoihawt ding

AHMEDABAD: Hung tlung ding Olympics 2020, 2024 le 2028a hai medal tam lem lak theina ding le inzwama Olympic Task Force (OTF) indina um chun hma hung la t an pein Ningani khin workshop Ahmedabad khawpua huoihawt an tih. Hi force hi Prime Minister Narendra Modi in alo hritta, olympic a hai India sportperson tam lem inthangtir le medal tamtak India ta dinga an laktheina dinga lo induong a nih.



Workshop huoihawt ding le inzwam hin event coordinator Kunal Desai chun " mipui 150 neka tam fiel an nitaa, fiela um haia inthawk government aiawtu dam, sport journalists dam, sport clubs le sport academies hai an thanga, chu baka hi workshop hi Swarnim Gujarat Sports University le Gu-

jarat State Cooperative Bank haiin support baw an tih" tiin a hril. Hi eventa hin Gujarat sportperson le stakeholders haiin an ngaidan hai national level chen hril theina hun an nei ding thu director-general Sport Authority of India Sandip Pradhan chun a hril.

England all-rounder player Ben Stokes in Rs. 14.5 crore a hung bid phaka, ama hi club po inchu player manto tak a nih. Auction hunah, Mumbai Indians le Royal Challengers Bangalore in Delhi Daredevils le Sunrisers Hyderabad hai hma khawlin inchawk tum hai sien khawm Rising Pune Supergiants in Rs. 14.5 crore in an lak lem ta a nih. Ben zoa, club pali zet hai inchu England fast bowler Tymal Mills hung inlang nawkin, ama hin Rs 12 crore in Royal Challengers Bangalore a zawm a nih. Hi player pahni hai baka hin; Trent Boult (5 Crore) - KK, Kagiso Rabada (5 Crore) - DD, Patrick Cummins (4.5 Crore) - DD, Mitchell Johnson (2 Crore) - MI hai chu tukuma player langsar zuol hai an nih.


Gujarat Lions Full squad: Nathu Singh (50 Lakh), Basil Thampy (85 Lakh), Tejas Singh Baroka (10 Lakh), Manpreet Gony (60 Lakhs), Jason Roy (1 Cr), Munaf Patel (30 Lakh), Chirag Suri (10 Lakh), Shelly Shaurya (10 Lakh), Shubham Agrawal (10 Lakh), Pratham Singh (10 Lakh), Aksh Deep Nath (10 Lakh), Suresh Raina, Ravindra Jadeja, James Faulkner, Brendon McCullum, Dwayne Bravo, Aaron Finch, Dwayne Smith, Dinesh Karthik, Dhawal Kulkarni, Praveen Kumar, Andrew Tye, Ishan Kishan, Pradeep Sangwan, Shivil Kaushik, Shadab Jakati, Jaydev Shah. Squad strength: 27 (19 Indian, 8 Overseas) Spent-Unspent Purse (In INR): 3.85 Crore - 10.50 Crore

Kings XI Punjab Full squad: Eoin Morgan (2 Cr), Rahul Tewatia (25 Lakhs), T Natarajan (3 Cr), Matt Henry (50 Lakhs), Varun Aaron (2.80 Cr), Martin Gupthill (50 Lakh), Darren Sammy (30 Lakh), Rinku Singh (10 Lakh), David Miller, Manan Vohra, Axar Patel, Glenn Maxwell, Gurkeerat Singh, Anureet Singh, Sandeep Sharma, Shardul Thakur, Shaun Marsh, Wridhiman Saha, M Vijay, Nikhil Naik, Mohit Sharma, Marcus Stoinis, KC Cariappa, Armaan Jaffer, Pardeep Sahu, Swapnil Singh, Hashim Amla. Squad strength: 27 (18 Indian, 9 Overseas) Spent-Unspent Purse (In INR): 9.45 Crore - 13.90 Crore

Sunrisers Hyderabad Full squad: Tanmay Agarwal (10 Lakhs), Mohammad Nabi (30 Lakh), Ekalavya Dwivedi (75 Lakh), Rashid Khan (4 Cr), Pravin Tambe (10 Lakh), Chris Jordan (50 Lakh), Ben Laughlin (30 Lakh), Mohammed Siraj (2.60 Cr), Shikhar Dhawan, Bhuvneshwar Kumar, David Warner, Moises Henriques, Naman Ojha, Ricky Bhui, Kane Williamson, Siddarth Kaul, Bipul Sharma, Ashish Nehra, Yuvraj Singh, Ben Cutting, Abhimanyu Mithun, Mustafizur Rahman, Barinder Sran, Deepak Hooda, Vijay Shankar. Squad strength: 25 (16 Indian, 9 Overseas) Spent-Unspent Purse (In INR): 8.65 Crore - 12.25 Crore

Chelsea le Manchester United FA Cup quarterfinal-ah lakkhawmtu hai hmaa a hrilhlak lein boruok insangsa bawk a tih. Tu tum season-ah hin hi club pahni hai hi vawi khat lo innawrtain Conte rawihai hin an khelmuolah United hai hi 4-0 in anlo sawp ta a nih.

Chelsea le Manchester United FA Cup quarterfinal-ah



Pathienni zan khan FA Cup quarterfinal draw nei ngal a ni a, Premier League hma thuoitu Chelsea le Blues boss hlui Jose Mourinho enkawl Manchester United chu pawt fuk an ni. Inkhelna hi March 10-13 sunga inkhel ning a tih.

Manchester City-in an khelmuolah Championship club Huddersfield an indrawpui lein February 28 khin replay nei ning a ta, Pep Guardiola haiin hnena an chang a ni chun Middlesbrough inkhel-pui an tih. Tottenham-in Premier League champion Leicester City hnetu Millwall intawkpui an ta, Arsenal in Lincoln inkhel-pui ve thung an tih.

Tukum IPL 10th edition hi VIVO company sponsorna hnuoiha March 5th khin inkhel tanin May 21 khin tumtiek a tih. Team 8 inlangin 56 matches inkhel ni bawk a tih. Opening matcha Sunrisers Hyderabad le Royal Challenger Bangalore hai Hyderabad inkhel anta, Closing match khawm Hyderabad khawpua tho inkhel ning a tih. Tu tum IPL hi Vivo IPL 2017 ti ni bawk a tih. TEAM SUAD:

Kolkata Knight Riders Full squad: Trent Boult (5 Cr), Chris Woakes (4.20 Cr), Rishi Dhawan (55 Lakh), Nathan Coulter-Nile (3.5 Cr), Rovman Powell (30 Lakh), R Sanjay Yadav (10 Lakh), Ishank Jaggi (10 Lakh), Darren Bravo (50 Lakh), Sayan Ghosh (10 Lakh), Gautam Gambhir, Sunil Narine, Kuldeep Yadav, Manish Pandey, Suryakumar Yadav, Piyush Chawla, Robin Uthappa, Shakib Al Hasan, Chris Lynn, Umesh Yadav, Yusuf Pathan, Sheldon Jackson, Ankit Singh Rajput, Andre Russell Squad strength: 23 (14 Indian, 9 Overseas) Spent-Unspent Purse (In INR): 14.35 Crore - 5.40 Crore

Mumbai Indians Full squad: Nicholas Pooran (30 Lakh), Mitch-

QUARTERFINAL - FIXTURES

- ChelseaVs Manchester United
- MiddlesbroughVs Huddersfield/Man. City
- TottenhamVs Millwall
- Arsenal Vs Lincoln
- FOOTBALL FIXTURE
- Wednesday, 22 Feb. 2017
- UEFA Europa League
- 22:30 Fenerbahçe Vs Krasnodar (Aggregate 0 - 1)
- 22:30 Saint-Etienne Vs Man. United (Aggregate 0 - 3)
- 22:30 Schalke 04 Vs PAOK (Aggregate 3 - 0)
- Primera División
- 23:15 Valencia Vs Real Madrid
- AFC Cup
- 16:00 Yadanarbon Vs Home United
- UEFA Champions League (Thursday Morning)
- 01:15 FC Porto Vs Juventus
- 01:15 Sevilla Vs Leicester